


□ 13
2912



昌
文章星

尚志堂
番書記

三字經訓話

歛西徐士業建勳氏校刊

宋儒王伯厚先生作三字經以課家塾言
簡義長詞明理晰淹貫三才出入經史誠
蒙求之津逮大學之濫觴也予不揣荒陋
謬為訓話不無貽誚高明然於穉習之助
庶或有小補云爾歲在康熙丙午嘉平之
吉訥菴王相晉升甫識

教則昧

和13
2485
2972

三字經

文章星

昌

尚志堂

徐氏藏板

三字經訓話



歙西徐士業建勳氏校刊

大正七年七月廿一日
彩八郎 文贈

宋儒王伯厚先生作三字經以課家塾言簡義長詞明理晰淹貫三才出入經史誠蒙求之津逮大學之濫觴也予不揣荒陋謬為訓話不無貽誚高明然於穉習之助庶或有小補云爾歲在康熙丙午嘉平之吉訥菴王相晉孫甫識

教則昧

和13
2485
2912

人之初

性本善

此立教之初發端之始。故本於人之初生而
言之。天之所生謂之人。天之所賦謂之性。秉
彝之良謂之善。人生之初始有知則先識其母。
始學語則先呼其親。孟子曰：孩提之童無不知
敬其兄也。朱子曰：人性皆善不其然乎。

性相近

習相遠

此承上文而言。孔子曰：性相近也。習相遠也。
也。言人初生時智愚賢不肖皆同此性。本

相近而無別也。及乎知識既開。稟各異。資之敏者則為智。識之闇者則為愚。循乎理者則為賢。縱乎欲者則為不肖。反之秉彝之善性。不既大相遠乎。此無他。習氣使然也。惟君子為能有養正之功。而不使幼穉之性移於不善也。

苟不教

性乃遷

教之道

貴以專

養正之謂何。謂能教也。人非聖人。豈能生知。非親不肖。非教弗成。有子而不教。則昧

其天賦之良。悖理縱欲。日遷于不善矣。教之何如。古者婦人有娠。坐不偏。卧不側。立不跛。倚行不亂。步目不視惡色。耳不聽淫聲。不出亂言。不食邪味。嘗行忠孝友愛慈良之事。往往生子聰明。才智賢德。過人。此未生之胎教也。子能食。教以右手。能言。勿使嬌聲。能行。使知四方。上下。能揖。教以禮。讓尊親。此阿保母氏之教也。至於洒掃應對進退之節。禮樂射御書數之文。此父師之教也。然教之之道。又貴在專。而無倦。蓋不專則學難成就。倦教則子益廢弛。非教之善道也。○娠音身。

昔孟母

擇鄰處

母氏之教。本於慈。由吳而入。教之所宜先也。古之賢母。能教子以成大名者。惟孟母最著。孟子名軻。字子輿。戰國鄒人也。父早喪。母仇氏居近屠肆。孟子幼嘗嬉戲其間。學為屠人宰割之事。孟母曰。此非可以居子也。乃遷於郊。居近墳塋。孟子又學為埋葬。哭泣之戲。孟母曰。此亦非可以居子也。又遷於學宮之旁。孟子朝夕學。為揖讓之禮。進退周旋之節。孟母曰。此可以教吾子矣。遂安居焉。古語云。交必擇友。居必擇隣。孔子曰。里仁為美。擇不處仁焉。得智。其此之謂乎。○仇音掌。

子不學

斷機杼

子不學

三子如言
杼者織機之梭。孟母平居以織紡為事。孟
子稍長出從外傅。偶倦而返。孟母引刀自
斷其機。孟子懼。跪而請問。母曰。子之學猶
吾之織也。積絲成寸。積寸成尺。尺寸不已。
遂成丈疋。今子學為聖賢。乃厭倦而求歸。
猶吾織布未成而自斷其機也。孟子感悟。
乃往受業於子思之門。紹明
聖學。皆母教也。○杼音暑

竇賈燕山

有義方

為父之教本於嚴。以正而訓。教之不可忽
也。近代之嚴父。能教諸子皆成。令名者。惟
竇氏為最。竇禹鈞。幽州人。以地屬燕。因號
燕山。其為訓也。家庭之禮。肅於朝。廷。內外

之防。嚴於宮禁。父子之訓。稟於官師。左傳
石碏曰。愛子教以義方。弗納于邪。如燕山
之教。可謂義方也已。○碏音雀

教五子。名俱揚

燕山五子。儀。儼。侃。僖。宋初皆為名臣。鉅
紳。世守其父之家法。奕葉貴顯。皆嚴親訓
迪之功也。○侃音稱。迪音惕

養不教。父之過

父母之於子。不患不慈。但患失教。
有子而不能教。豈非父之過乎。

教不嚴 師之情

師長之於弟子。不患無教。但患不嚴。不嚴則弟子怠。既而不遵。志業廢矣。此為師之過也。

子不學 非所宜

幼不學 老何為

古語云。養子不教。父之過。訓導不嚴。師之

惰。父教師嚴。兩無外。學問無成。子之罪。又曰。勿謂今日不學。而有來日。今年不學。而有來年。日復一日。年復一年。嗚呼。老矣。是誰之愆。言悔之無及也。

玉不琢 不成器

人不學 不知義

義。道義也。禮經學記曰。玉不琢。不成器。人不學。不知道。雖有美玉。不琢不磨。不成器。物則無所用。猶人雖有美材。不勤學問。則不能知理義道德。終不可謂成人也。

三字經言
五
為人子方少時

親師友習禮儀

此言為子弟之道也。凡為人子弟當少年無事之時宜當親近明師交結良友講習禮節儀文之事愛親敬長之道進德修業以為立身之本。

香九齡能溫席

孝於親所當執

百行之首以孝為先初學之士不可不知也。昔漢時有江夏黃香年九歲即知孝於親每當夏日炎熱之時則扇父母之帷帳使枕席清涼蚊蚋遠避以待親之安寢至於冬日嚴寒則以身溫暖其親之衾裯枕席以待親之煖卧幼而行孝如此雖云天性然人子之道昏定晨省冬溫夏清禮當然也。○清音靜。

融四歲能讓梨

弟於長

宜先知

敦倫篤誼。友于為重。兄弟之義。幼學所宜知也。漢時魯國孔融。年始四歲。即知友愛。敬讓之道。時有饋送其家梨一筐。諸兄競取之。融獨後。又擇其最小者。取之。人問。爾何獨取小者。答曰。我本小兒。當取小者。即此可觀其謙恭敬讓之一端。日後罹鈞黨禍。兄弟一門爭死。其孝友之風。燦然千古矣。

首孝弟

次見聞

知某數

識某文

孝弟之道。人倫所當盡。見聞之理。幼學所宜知。子曰。行有餘力。則以學文。知其目。則為數。識其義。則為文。易曰。君子多識前言往行。日新其德。孔子曰。多聞闕疑。慎言。其餘多見闕殆。慎行其餘。及乎聞見。既廣。知識既深。則言寡。尤而行寡。悔矣。

一而十

十而百

此以下。皆言知某數也。萬物之數。起於一。一者。數之始。十者。數之終。百者。十之盈也。

百而千 千而萬

十累而盈滿十則為百。百累而盈滿十則為千。千累而盈滿十則為萬也。過此以往。數無紀極。莫之能窮也。

三才者 天地人

混沌之氣。輕清者上浮而為天。重濁者下凝而為地。天地之間。萬物羣生。惟人最貴。人為萬物之靈。氣稟陰陽。道教化育。生生不息。與天地參。故曰三才。

三光者 日月星

日本乎陽之精。照臨于晝。月本乎陰之魄。光明于夜。五星列宿。皆麗乎天。輝煌燦爛。布列森羅。配乎日月。謂之三光也。

三綱者 君臣義

父子親 夫婦順

綱者。統系也。天下之大綱有三。君正於朝。

為臣之綱。父正于家。為子之綱。夫正于室。為妻之綱。三綱既正。則君聖臣良。父慈子孝。夫和婦順。宇宙清寧。邦國平康矣。

曰春夏 曰秋冬

此四時 運不窮

此言歲時之序也。一歲之序。分為四時。應乎北斗。斗柄東指。在寅卯辰。萬物發生。於時為春。斗柄南指。在巳午未。萬物暢茂。於時為夏。斗柄西指。在申酉戌。萬物收斂。於時為秋。斗柄北指。在亥子丑。萬物閉藏。於

時為冬。四時之循環。還不已。運轉無窮。寒暑迭易。而歲功成焉。

曰南北 曰西東

此四方 應乎中

此言四方之位也。東之方。其干甲乙。其帝太皞。其神句芒。盛德在木。於常為仁。於時為青陽。正南之方。其干丙丁。其帝炎帝。其神祝融。盛德在火。於常為禮。於時為朱明。正西之方。其干庚辛。其帝金天。其神蓐收。盛德在金。於常為義。於時為白藏。正北

之方其干壬癸其帝顓頊其神元冥盛德
在水於常為智於時為位英中央之宮其
干戊己其帝黃帝其神勾龍盛德在土於
常為信於時寄旺乎四季四方春夏秋冬
各有專司惟土居中用事而四方咸
應之也○蓐音擣

曰水火木金土

此五行一本乎數

天地之間陰陽二氣化生五行天一生水地二生火天三生木地四生金天五生土

此五行之生序也水曰潤下火曰炎上木曰曲直金曰從革土爰稼穡此五行之性之德也水生木木生火火生土土生金金又生水水剋火火剋金金剋木木剋土又剋水萬事萬物無不有五行貫乎其間而天下之理皆由此出天下之數皆由此推不可不知也

曰仁義禮智信

此五常不容紊

五常之理根於性生一曰仁仁者人也心

之德也。寬裕溫柔。慈良惻隱。是之謂仁。二曰義。義者宜也。心之契也。發強剛毅。奮決果敢。是之謂義。三曰禮。禮者儀也。心之理也。齊莊中正。遜順謙恭。是之謂禮。四曰智。智者知也。心之機也。聰明睿知。文理密察。是之謂智。五曰信。信者厚也。心之主也。誠實正直。忠厚和平。是之謂信。仁義禮智信。謂之五常。不容紊亂也。

稻粱菽

麥黍稷

此六穀

人所食

此言穀可食者有六也。一曰稻。稻有秈稻粳稻晚稻糯稻。二曰粱。北方高粱米。有黃粱白粱青粱。三曰菽。即諸豆之總名。有大小黃黑青白。五偏。豌豆之類。四曰麥。夏穀也。有大麥小麥。糠麥麩麥。五曰黍。北方之穀。又名小米。有粘有粳。六曰稷。一名秬。祭祀之用也。有黃有黑。凡此六穀。皆天生以養民者也。○粳音梗。粳音灣。擴音礦。

馬牛羊

雞犬豕

此六畜

人所飼

此言人之所畜養者有六也。馬能負重致遠，牛能耕田，犬能守夜防患，則畜之以備用者也。雞羊與豕，則畜之孳生，以備食者也。六者在人飼養，使得其宜，則生息蕃滋而為利溥矣。

曰喜怒

曰哀懼

愛惡欲

七情具

此言七情之動也。人之有生，便有知識。總有知識，則七情生焉。一曰喜，歡樂也。二曰怒，嗔恚也。三曰哀，傷感也。四曰懼，恐畏也。

五曰愛，眷戀也。六曰惡，憎嫌也。七曰欲，貪慕也。凡此七情，智愚賢不肖皆有之。惟聖賢能出之以正耳。出之以正，則為君子。出之以邪，則為小人。人當崇正而黜邪，循理而窒欲，可不慎乎。○恚音惠。

匏土革

木石金

絲與竹

乃八音

此言八音之器也。樂所以配禮，凡奏樂者，八音備而後樂始全。八音，維何。一曰匏，瓠瓜也。用為笙竽。二曰土，瓦器也。用為埙。三

曰草。牛皮也。用為鼓。四曰木。木器也。用為
 祝。五曰石。玉石之器。用為磬。六曰金。鑄
 器也。用為鐘。鋪。七曰絲。絃索也。用為琴瑟。
 八曰竹。用為簫管。凡此八音。制自黃帝。五
 帝三王。各有樂。用以享上帝。祀鬼神。薦祖
 考。宴嘉賓。酬酢。飲灌。非樂不宣。登降揖讓。
 非樂不和。迭奏宣通。調和敷暢。所以薰誠
 敬。暢性情。昭感格。助威儀。所謂禮樂備而
 治功成。樂之為用。其大也如此。古人禮樂
 不可斯須去身。此之謂也。○祝音竹。敵音
 于。頊音熏。

高曾祖 父而身

身而子 子而孫

此言九族之倫也。九族云何。一曰高祖。高
 者最上之名。祖之祖也。凡高祖所生以後
 均為同族。所謂五服以內之親也。二曰曾
 祖。曾者層疊而上也。謂父之祖也。三曰祖
 一曰大父。一曰王父。謂父之父也。四曰父
 一曰家君。一曰嚴君。尊稱之也。父沒則稱
 考。母沒則稱妣。高曾祖父皆考也。高曾祖
 母皆妣也。五曰身。己身也。身之嫡配為妻
 庶婦。則為妾。六曰子。妻妾之所生也。妻生
 為嫡子。妾生為庶子。七曰孫。子之子也。孫
 者系也。統系相傳
 有緒而不絕也。

自子孫

至元曾

乃九族

人之倫

己身之下有子孫子孫之所出則有元曾
八曰曾孫孫之子九曰元孫孫之孫也自
高祖至元孫九世矣九世之所出謂之九
族族者衆也其間生育繁庶各有親疎遠
近之分倫序也尊卑之序定而不紊凡此
親族兄弟諸父子姪諸孫皆出天倫一本
之源所當敦篤敬
愛而不衰者也

父子恩

夫婦從

兄則友

弟則恭

自人倫言之九族之次又有十義一曰父
子生我者父我生者子父子之道慈孝之
理皆由天性之恩一曰夫婦順從是謂刑于
則有家夫妻好合和翁順從是謂刑于之
化一曰兄弟先生為兄後生為弟同根一
本兄則友愛其弟弟則恭敬其兄是謂手
足之誼人能如是則誠天
倫之美德家庭之至樂也

長幼序 友與朋

君則敬 臣則忠

一曰朋友同德為朋同類為友感契以情周旋以禮序分長幼誼同手足義共死生情均苦樂朋友之道如是而已非此則不過一時聚散之浮交非所謂友也一曰君臣君者臣之主臣者君之輔為君之道聰明睿知以臨其民莊嚴恭肅以居其位恩威寬惠以御其臣為臣者光明正大以持其心公廉敏信以盡其職忠良醇謹以事

其上如此則邦國和平治化大行非此則君驕臣諂日趨於亂矣

此十義 人所同

父子夫婦兄弟朋友君臣是謂五倫父慈子孝夫和婦順兄愛弟恭朋誼友信君敬臣忠所謂十義也人同者人具此理皆人道之所當為也

凡訓蒙 須講究

自一而十至此皆屬於數所謂知某數矣後此皆發明識某文之義凡此皆所謂訓

蒙之道也。蒙者如草之初生。蒙昧未明也。訓蒙之義以講究為先。講者講其字義之詳究者究其精微之奧。

詳訓詁

明句讀

詁考證也。既詳究其義理。又考證其所出之源。凡經書之義。一句為句。半句為讀。如字句太長。則於斷續之中。畧為點斷。以便童蒙誦習也。○讀音豆。

為學者

必有初

凡為學之道。須要由漸而進。初學者須由

淺而入深。不可躐等。則易入而無礙。鮮扞隔不通之患矣。○躐音獵。扞音汗。

小學終

至四書

古者人生八歲。先入小學。教以洒掃應對進退之節。禮樂射御書數之文。使其義而識之於心。故朱子著為小學之書。其要為外。目立教者。立言以教子弟也。明倫者。皆所以明人倫也。敬身者。恭敬此身無敢怠惰也。朱子既詳明備悉三者之條。又益之以稽古者。稽古。古人立教。明倫。敬身之法。曰嘉言者。集古人立教。明倫。敬身之言。曰善行者。集古人立教。明倫。敬身之事。以實

之也。幼學須是講得朱子小學明白，然後講習四書，自不難矣。四書者，論孟學庸古有其書，唐宋以來，論孟與孝經爾雅公羊穀梁二傳周禮儀禮并五經為十三經。論孟二書，專習者尚少。中庸大學二書，又載入禮記篇中。至朱子始採先儒雜說而折衷之，為論孟集註。又本程子之意，取學庸分章釋句，通名之為四書，自有四書之名。學者始知專習，而識孔曾思孟聖賢授受之源流矣。

論語者 二十篇

論語，孔門傳道之書。有齊論、魯論、齊論，不見於世。今所行者，魯論也。上下凡二十篇。

羣弟子 記善言

論語，乃孔子弟子、夏子、張子、游及曾子、閔子之門人記聖人之言行訓誨答述之語。朱子集註為四書之首。

孟子者 七篇止

講道德 說仁義

孟子當戰國之時，游於齊梁，其道不行，退

居鄉國與弟子公孫丑萬章之徒著孟子
七篇道者天下古今所共由德者聖賢躬
行所心得仁與義乃本於天而具於性惻
隱羞惡其見端而撫卹長民其功用也如
關異端貴天爵尊王賤霸距邪放淫道性
善言必稱堯舜是也

作中庸

子思筆

中不偏

庸不易

子思孔子之孫伯魚子名伋學者尊之為

述聖作中庸三十三章程子曰不偏之謂
中不易之謂庸所言皆人生日用不可須
臾離之道所謂放之則彌六合卷之則退
藏於密者也舊本云作中庸乃孔伋斥言
大賢之名今借攷子思筆三字為當

作大學

乃曾子

自修齊

至平治

曾子名參字子襄孔子弟子傳孔子一貫
之道學者尊之為宗聖作大學一書大學
者大人之學也其綱在明明德新民止於

三字經言
至善其日在格物致知誠意正心修身齊家治國平天下乃作聖之功學者之先務也朱子分為一經十傳所謂初學入德之門○按孔子之道曾子獨得其宗子思之學本於曾子孟子受業於子思之門此書乃先論孔子孟而后及子思曾子反為最後者何歟蓋此書但據當時之次序而言論語孟子先有成書中庸為禮記之次序而論語之篇名中庸為禮記之第三十一大學為禮記之第四十二朱子取而章句之以列於四書作者故以為次也

孝經通

四書熟

如六經

始可讀

此言讀書之序也孝經為古十三經之一曾子叙孔子問答之言為經十八章以明孝道學者四書既熟之後宜先讀孝經以知為子之禮然後循序而讀六經

詩書易

禮春秋

號六經

當講求

此言六經之目。易書詩春秋周禮禮記是名六經。學者所當講習而研求者也。當時周禮列于六經。今則去周禮為五經矣。○研音嚴。有磋磨之意。

有連山 有歸藏

有周易 三易詳

易之書有三。一曰連山。伏羲之易。以艮為首。山之象也。二曰歸藏。炎帝之易。以坤為首。地之象也。三曰周易。文王之易。以乾為首。天之象也。連山歸藏二易。學者鮮通其

義。今所行者周易六十四卦之象。始于伏羲。卦辭彖辭文王所著。卦之交辭。周公所著。卦象爻象。文言上下繫辭。則孔子之所著。經四聖人而後成。全易也。註易之儒。多不可紀。今惟用程子易傳。朱子本義。秦焚詩書。惟易為卜筮之書。得以不毀。

有典謨 有訓誥

有誓命 書之奧

書經者。虞夏商周四代之書也。典謨訓誥誓命。皆書之篇名。典者常也。典常而不可

易為帝王受命之書。如堯典舜典是也。謨者謀也。大臣匡贊謀猷以襄聖治。如大禹益稷之謨是也。訓者誨也。大臣訓迪其君以匡不逮。如伊訓是也。誥者召也。王者頒發號令。詔誥天下。以布維新之政。如仲虺之誥。大誥。康誥。召誥。酒誥。是也。誓者信也。人君恭行天討。命將誓師。信賞必罰之辭。如甘誓。湯誓。秦誓。費誓。秦誓。是也。命者令也。人君申布命令于大臣。如詔命。微子之命。顧命。蔡仲之命。文侯之命。是也。昔孔子刪書。斷自唐虞。凡百篇。至秦焚詩書。漢文帝時。濟南有伏生名勝者。年九十。口授。鼂錯二十八篇。以其上古之書。故謂之尚書。又河內女子。獻秦誓一篇。武帝時。魯恭王壞孔子舊宅。於壁中得其所藏古文。虞夏商周之書。孔安國考論增多。伏生二十五

篇。朱子門人蔡沈為之集註。

我周公作周禮

著六官存治體

周禮。周公所作。公姓姬氏。文王子。武王弟也。周禮一書。為周家一代設官分職之制。有天官冢宰。地官司徒。春官宗伯。夏官司馬。秋官司寇。冬官司空。故謂六官。猶六卿也。天子垂拱于上。六官分職于下。紀綱周布。制度分列。事無不治。政無不理。而天下

三字經訓詁

三

平矣。秦毀詩書，不用周禮。至漢求書始出，而亡其冬官。漢儒以考工記補之。宋代用以取士，今不用。

大小戴

註禮記

述聖言

禮樂備

禮記一書，不稱經者，五經皆聖人親製，此則後儒纂述先聖之言，以成書，故稱記而不稱經也。大戴、漢儒戴德、小戴，則德、兄子戴聖也。戴德集古禮樂諸書一百八十五篇，刪定為八十五篇，今名大戴禮記。小戴更

為裁定成書四十九篇。大學、中庸亦附于篇之數。元儒陳澧註為禮記集說。大戴禮今不行，惟小戴禮記列于五經。

曰國風

曰雅頌

號四詩

當諷詠

詩經之體有四：一曰國風，民俗歌謠之詩；諸侯采之以貢於天子，天子受之而列于樂官，於以考其風俗之美惡，而知其政治之得失焉。二曰小雅，諸侯卿大夫朝見天子及列國之君，迎勞王臣使客之作。三曰

大雅天子宴享諸侯卿士及王朝公卿會宴陳述之作謂之雅者其體端嚴典雅以別於風也四曰頌天子享祀郊廟頌美先王先公之樂章魯頌商頌附焉通為四詩學者所當諷誦而詠歎之也秦火之後漢儒毛萇考定成書或謂之毛詩朱子集註

詩既亡 春秋作

寓褒貶 別善惡

孟子曰王者之迹熄而詩亡詩亡然後春秋作王者之迹文武之道也如文之謨武

之烈成康之盛世周召之宏勳以及豳風肇業宣王中興皆見於四詩之篇是王者之迹因詩以存也自東遷以來樂師不陳詩而風亡諸侯不覲天子而小雅亡天子不享諸侯而大雅亡諸侯不助祭而頌亡詩既亡而王者之迹熄矣故孔子生於東周之末傷王政之不行諸侯專恣於是自衛反魯作春秋以正王化春秋者魯史之舊名也四時皆備舉春秋以為名者取春生秋殺之義寓王者之大權也周衰于東遷春秋起魯隱公元年當平王之末東周之始王也歷隱桓莊閔僖文宣成襄昭定哀至獲麟而絕筆傷非時而麟見悲王道之不復也凡紀二百四十二年之事一字之褒榮於華袞一字之貶蕭於斧鉞孟子曰孔子成春秋而亂臣賊子懼謂其賞罰

章而善惡明亂臣賊子無所逃罪於天地之間也

三傳者 有公羊

有左氏 有穀梁

傳者所以釋春秋之義也傳春秋者不一而三傳最著一曰左氏傳左邱明魯之賢人也其傳春秋用編年紀事之體而詳著於每年之後凡天子諸侯之事兵革禮幣之交興衰存滅之故賢奸淑慝之分非左氏則不詳也二曰公羊傳公羊高魯人也

三曰穀梁傳穀梁赤子夏弟子也二傳各有短長同異皆論斷春秋之大義表章善惡之激辭也左傳有晉杜預註公羊有漢何休註穀梁有晉范甯註春秋言簡意深非傳不明故并存之列於十三經之數今者考時紀事則折衷於三傳斷制取法則用宋儒胡安國傳

經既明 方讀子

撮其要 記其事

四書六經皆經也固不可不熟讀而考其

義理之精微矣。若經學既明，又不可不旁探諸子而讀之。但諸子之書，醇疵互見，必當撮取其簡要之言，以裨正學。記憶其事，跡之實，以備參考。則所學日進於海博，而不至流於邪僻矣。

五子者

有荀揚

文中子

及老莊

子書百家浩繁，不可勝紀。就其最善者而讀之，則有五子。曰老子，姓李，名耳，字伯陽，毫邑人。東周時為柱下史，作道德經五千

言。莊子，名周，字子休，楚蒙城人，為漆園令。作南華經。荀子，名卿，楚蘭陵人，作荀子。土下二篇。揚子，名雄，漢成都人，作太元經。法言二書。文中子，姓王，名通，字仲淹，隋龍門人。作元經。中說二書。謚文中子。五子大義。老子，不矜名，不炫德，以清靜無為為尚。莊子寓言，既世以離羣絕俗為高。荀子言性，命之學，擇焉而不精，揚子擬易立言，大醇而小疵。文中中說擬論語，而人非其倫。元經比春秋尊篡晉帝北魏，非春秋之旨。學者但翫文取義，而不泥於辭可也。

經子通

讀諸史

考世系

知終始

六經諸子既通。然後諸史可讀也。史書紀
 一代治亂興亡之事。君之聖狂。臣之賢姦。
 世系之傳授。始終之歲年。可得而考也。史
 書之體有二。曰通史。曰國史。國史紀一朝
 之事。如漢書。晉書之類。通史紀古今之事。
 如通鑑。綱目之類。國史。君有本紀。臣有列
 傳。政事有志。有表。通鑑則編年
 叙事而已。其事則本於國史也。

自羲農

至黃帝

號三皇

居上世

洪荒之始。混沌之初。伏羲以前。雖有君長。
 不可得而詳也。故司馬遷作史記。以伏羲
 為始。太昊伏羲氏始制文字。首畫八卦。為
 萬世文明之祖。炎帝神農氏始為耒耜。樹
 藝五穀。立生民養育之源。黃帝有熊氏制
 衣裳。定禮儀。文明大備。品物咸亨。作萬國
 具瞻之表。後世首崇祀典。以羲農黃帝為
 三皇。史記列於前編。為千古帝王之冠。

唐有虞

號二帝

相揖遜

稱盛世

黃帝之子少昊金天氏在位八十四年黃
帝之孫顓頊高陽氏在位七十五年金天
之孫帝嚳高辛氏在位七十年並堯舜為
五帝作者但言堯舜者以其功德最高也
帝堯陶唐氏高辛少子兄帝摯無道諸侯
廢之而立堯自唐侯而為天子其始封于
陶故號陶唐氏堯之為君也其仁如天其
智如神巍巍蕩蕩民無能名在位七十二
年有子弗肖求賢而禪於虞是為帝舜有
虞氏舜黃帝之裔孫父頑母嚳克諧以孝
耕稼陶漁日彰其德四岳薦之於堯妻以
二女俾總百揆後遜以位舉用九官十二

牧八元八愷之賢誅四凶之不肖使禹治
水成功在位六十一年而禪於禹唐虞之
際世樂雍熙揖遜而有天下可謂盛矣蓋
自黃帝以來始有年甲可紀自黃帝至舜
凡六世四百八十年○顓
頊音專旭嚳音銀揆音葵

夏有禹

商有湯

周文武

稱三王

二帝之盛為君道立極繼其盛者則有三
主夏后氏之君首稱禹王禹者受禪成功

之謂繼夏者商則有湯王湯者除殘去虐
之謂繼商者周則有文武二王文者武之
父經天緯地曰文武者文之子伐暴救民
曰武是皆三代受命之始祖故曰三王堯
舜禹湯文武二帝三王所謂繼
天立極為萬世之君師者也

夏傳子 家天下

四百載 遺夏社

前通論三王此則各言其終始三皇五帝
以天下為公傳賢而授位謂之官天下若

夫家天下則自夏后氏始禹姓姁氏顓頊
之後也平治洪水聖德神功及民悠久復
生賢子曰啟賢能誠敬繼禹之道禹崩之
日讓位於其臣伯益益天下之民不從益而
從啟曰吾君之子也自禹之傳子後世以
天下為家故曰家天下夏歷十七世至桀
耽酒嗜色無道虐民而國
以亡凡四百五十八年

湯伐夏 國號商

六百載 至紂亡

繼夏為君者商也。湯姓子氏，名履，高辛之子。契之後也。世封於商，伐桀而有天下。傳祚二十八世，六百四十四年。至紂無道而失其國。

周武王

始誅紂

紂為商王帝乙之子，言足拒諫，智足飾非，寵嬖妲己，炮烙庭臣，剗剔孕婦，以觀男女斫人脛骨，驗髓盈枯，剖叔父比干之心。西伯周武王興師伐紂，而遷殷社焉。

八百載

最長久

周自文武開基，都於鄠鎬，成康繼世，天下咸寧。傳昭王、穆王，以及共懿孝夷厲，凡十二世。而厲王以無道失國，宣王中興，至幽王復無道，而見殺於西戎。其子平王東遷于洛，是為東周。傳桓莊僖惠襄頃匡定簡靈景悼敬元貞定哀思考威烈安烈顯慎，凡二十世。八百七十四年，有國之最長者也。

周轍東

王綱墜

逞干戈

尚遊說

周自東遷諸侯強大王令不行列國日尋
干戈互為侵伐游說之士逞口舌為縱橫
之言以興戰鬪而已

始春秋 終戰國

五霸強 七雄出

平王東遷之始則為春秋孔子絕筆之後
則為戰國春秋諸侯有齊桓公晉文公宋
襄公秦繆公楚莊王迭為雄長盟會諸侯
謂之五霸至於威烈以後諸侯強橫僭恣
稱王憑陵小國吞食殆盡而七雄出焉七

雄者秦楚齊燕韓趙魏也各逞兵戈互相
吞并當五霸時雖云詐力猶假仁義尊王
伐叛有扶傾濟弱之功及乎七雄自周
室衰微下同小國周祚雖長猶一線之僅
延而已

嬴秦氏 始兼并

傳二世 楚漢爭

言嬴秦國之姓也秦伯益之後非子起自西
戎事周孝王牧馬蕃庶封國於秦至襄公
而國日富繆公而國日強惠文稱王蠶食

列國昭襄益大吞并諸侯。赧王獻土而周室。亡傳孝文。莊襄滅東周君。而姬祚盡。迨及始皇帝。為莊襄子。其母先有娠而生。始皇實呂氏之子。冒繼秦祚。而嬴氏亡矣。始皇席強大之業。翦六國而成一統。威武強暴。以臨天下。銷兵革。築長城。焚詩書。尚律令。除謚號。自稱始皇。欲傳國於萬世。在位三十七年。東巡狩。而崩於沙丘。宦者趙高矯詔殺太子扶蘇。而立少子胡亥。是為二世。酷暴厚斂。斬絕宗枝。大興土木。戶口逃亡。天下大亂。楚人陳勝起兵。不成而敗。繼之者項梁。項羽立楚後。以伐秦。漢高祖劉季。為泗上亭長。因民之亂。合楚興兵。入關滅秦。二世已為趙高所弑。三世子嬰。素車白馬而降。秦有天下才三世。四十二年而亡。項羽封高祖為漢王。國於西蜀。恐其東

歸。立雍塞翟三王。以阻之。未幾漢王出定三秦。與楚戰于成臯。凡七十餘戰。互有勝負。終會兵于垓下。以破楚。項王勢窮自刎。而漢興矣。

高祖興

漢業建

至孝平

王莽并篡

史記之書。始于三皇。終于漢武。班氏作前漢書。以紀西京十二帝。前漢高祖。姓劉氏。名邦。字季。沛人也。誅秦滅楚。而有天下。都長安。傳惠文景武昭宣元成哀平孺子。凡

十二世而王莽篡位王莽者孝元王皇后之兄子也以謙恭竊名而致宰相鳩殺平帝假立孺子復廢之而自立凡十八年災漢復興而誅莽

光武興 為東漢

四百年 終於獻

後漢光武皇帝名秀景帝七世孫以布衣起兵誅王莽滅羣盜而復興漢室都洛陽是為東漢傳明章和帝安順冲質桓靈獻凡十三世而禪于魏兩漢共歷二十四世

四百二十五年

魏蜀吳 爭漢日鼎

魏蜀吳 迄兩晉

兩漢書後有三國志三國者何魏蜀吳是也魏國曹氏名操譙人也當董卓之亂天子蒙塵操迎駕都許挾天子令諸侯削平僭亂威德日盛子丕繼立受漢禪位而有天下國號曰魏傳子叡孫芳髦以及姪璜而禪於晉凡五世四十六年蜀劉氏名備景帝之後起兵討賊據有荆蜀漢亡稱帝

傳子禪二世四十二年○吳孫權父堅兄策積累世之業跨有江表傳子亮休孫皓四世五十九年而滅于晉○三國之祚皆歸于晉晉司馬氏名炎祖懿伯師父昭四世執魏政受禪而有天下都於洛陽是為武帝傳子惠帝懷帝孫愍帝懷愍俱見殺於前趙而西晉亡凡四世五十二年○東晉牛氏司馬懿孫瑯琊恭王妃夏侯氏通牛氏之子而生子睿冒襲王爵據有江表值晉失國遂稱帝于金陵是為東晉元帝傳子明帝孫成帝康帝曾孫穆帝哀帝帝奕以及元帝少子簡文孫孝武帝曾孫安帝恭帝凡十一世百二年右兩晉共十五世一百五十四年○兩晉之間前後僭偽于北方者凡十八國總計二趙三秦五燕五涼蜀魏夏而拓拔之代魏不與焉前趙

劉淵單于左賢王惠帝時據平陽稱漢帝傳子劉聰陷長安執晉二帝傳子和淵姪曜曜子熙凡五世二十六年滅於後趙○後趙石勒淵之將元帝時據襄國傳子弘弟虎虎子世遵鑿祗七世二十三年滅于冉閔○前燕慕容皝鮮卑部長子皝懷帝時據鄴稱王歷皝子儁稱帝儁子暉四世六十二年滅於秦○後燕慕容垂皝子孝武時叛秦稱帝歷子寶孫盛寶弟熙四世二十四年滅于高雲○西燕慕容泓儁子據華陰歷弟冲冲姪顛冲子瑤泓子忠泓弟永六世十年滅於後燕○南燕慕容德垂弟據滑臺歷子超二世十三年滅于晉○北燕馮政慕容垂臣據龍城歷弟弘二世二十八年○前秦苻洪穆帝時據長安歷洪子健孫生健弟堅堅子丕登登子崇

七世四十六年滅於後秦○後秦姚萇叛秦據長安歷子興孫泓三世三十四年滅于晉○西秦乞伏國仁秦將據金城歷弟乾歸孫熾磐磐子暮末四世四十七年滅於夏○前涼張軌晉臣惠帝時據平涼傳子寔孫茂茂子駿駿子重華華子曜靈華弟祚曜靈弟元靚祚弟天錫九世七十八年滅于秦○後涼呂光秦將據涼傳子紹慕隆四世十九年滅于後秦○南涼秃髮烏孤涼將據樂都歷弟利麻孤僞檀三世十九年滅於西秦○西涼李暠北涼段業臣據晉昌傳子歆恂三世十九年滅於北涼○北涼段業後涼將據張掖稱王五年其臣沮渠蒙遜弒之自立傳子牧犍兩姓三世四十三年滅於魏○蜀李特惠帝時據廣漢傳子雄稱成帝歷姪班期期叔壽

改號漢傳子勢六世四十七年滅於晉○魏冉閔石虎養孫殺虎子自立三年燕人誅之○夏赫連勃勃劉淵之族據統萬傳子昌定三世二十五年滅於土谷渾○北燕高雲弒慕容熙而自立三年為其下所殺馮跋繼立雲與冉閔弒逆不終西燕六主自相戕殺三者不成國餘十六國俱附見晉書○虜音魏銑音晃僞音辱壇

宋齊繼 **梁陳承**

為南朝 **都金陵**

此言南朝之史也。凡四朝。一曰宋。高祖劉裕彭城人。受晉禪。傳子少帝。文帝。文子孝武帝。子廢帝。武弟明帝。明子蒼梧。順帝。凡八世。六十年。○二曰齊。蕭氏。太祖道成。蘭陵人。受宋禪。傳子武帝。孫二少帝。姪明帝。明子東昏。和帝。七世。二十三年。○三曰梁。蕭氏。武帝。蕭衍。齊之族。受齊禪。傳子簡文。元帝。元子敬帝。四世。五十六年。○四曰陳。陳氏。武帝。霸先。長興人。受梁禪。傳兄子文帝。文子廢帝。文弟宣帝。宣子后主。五世。三十三年。以上四朝。俱都金陵。南史之外。各有國史。四朝連吳。與東晉。又號六朝。

北元魏分東西

宇文周與高齊

北史三朝。一曰魏。姓拓拔氏。起於朔漠。始聖武帝。詰汾神元帝。力微。世為君長。臣服中國。至拓拔猗廬。入討。內叛。始有中國。自稱代王。傳弟子鬱律。律子什翼健。健子珪。以孝武時。稱魏帝。都平陽。是為道武帝。子明元。元子大武。武孫高宗。高子獻文。獻子孝文。始改姓為元氏。傳子宣武。武子孝明。孝文孫孝莊。崩。閔。孝武。孝武為其相。高歡所逼。奔於長安。是為西魏。傳弟文帝。文子廢帝。恭帝。而禪於周。○東魏。靜帝。善見。孝文之孫。高歡所立。都於鄴。分魏為二。立十二年。而禪於齊。自道武至恭帝。凡十六

主百七十年恭帝上至聖武三百三十餘年○二曰齊高氏始高歡立靜帝世執其政至子洋而受禪是為齊文宣帝傳子廢帝弟孝昭武成成子後主五世二十八年滅於周○三曰周宇文氏宇文泰擁魏孝武帝於長安世執其政其子孝閔帝覺受魏禪改號周傳弟孝明孝武武子孝宣宣子孝靜五世二十五年禪於隋

迨至隋 一土宇

不再傳 失統緒

四曰隋楊氏高祖楊堅相周受禪國號曰隋南平陳國而一天下傳子煬帝荒淫無度天下大亂不再傳而李氏立恭帝隋亡矣右隋三世三十七年以上四朝謂之北史魏齊周隋亦各有史書

唐高祖 起義師

除隋亂 創國基

繼隋者唐也是為唐書唐高祖姓李氏名淵隴西人仕隋為太原守威望素著隋帝忌之帝東巡不反關中大亂詔高祖盡討

羣賊高祖懼乃因子太宗之計倡義起兵入關立煬帝孫恭帝號召天下未幾遂創業而移隋祚矣

二十傳 三百載

梁滅之一國乃改

唐有天下高祖開基皆由其子太宗裁定禍亂削平僭偽之功也太宗子高宗高子中宗為母武氏所廢武氏稱制二十年然後復位中弟睿宗睿子明皇寵楊妃而亂國安祿山犯京師帝遷西蜀幾亾天下明

子肅宗肅子代宗代子德宗德子順宗順子憲宗憲子穆宗穆子敬宗文宗武宗穆弟宣宗宣子懿宗懿子僖宗昭宗昭子昭宣凡傳國二十世歷年二百八十九而滅於梁唐之國祚遂改移為梁矣

梁唐晉及漢周

稱五代 皆自有由

繼唐者梁唐晉漢周是為五代史官作五代史共為一書一曰梁太祖朱溫始為賊將歸唐為節鎮遂篡唐都於汴貪深無道

為子友珪所弑。三子友貞、友珪自立。凡二世十七年滅於後唐。○二曰後唐莊宗李存勖，木姓，朱邪沙陀人。先世有功於唐，賜姓李氏，封晉王。朱氏篡唐，與晉世仇。滅後梁而有天下，好遊戲而失國。父之養子嗣源代位，是為明宗。傳子愍帝，養子王從珂又奪其位。凡四世十五年而滅於晉。○三曰後晉高祖石敬瑭，明宗之壻，借遼兵而滅唐。傳子齊王，為契丹所滅。凡二世十年。○四曰後漢高祖劉知遠，逐遼而代晉。傳子隱帝，殺戮大臣，兵變而亡。二世凡四年。○五曰後周太祖郭威，任漢鎮鄴，兵變廢漢而代之。傳養子世宗柴榮，威定南北。傳子恭帝，禪于宋。凡三世十年。右五代共十三主五十二年。附十國紀年五代三世各據一方。吳王楊行密，南唐李昇，蜀王建，後

蜀孟知祥，閩王審知，楚馬殷，吳越錢鏐，南漢劉隱，北漢劉崇，荆南高季興，凡十僭國。至宋初，南北漢唐蜀荆南吳越皆入於宋，惟契丹與宋并立。

炎宋興 受周禪

十八傳 南北混

繼五代者宋也。宋以火德王，故稱炎宋。太祖趙氏，名匡胤，受周禪而都於汴。傳弟太宗，太宗子真宗，真宗子仁宗，太宗曾孫英宗，英宗子神宗，神宗子哲宗，徽宗，徽宗子欽宗。凡九

三才圖會
帝金人克汴徽欽父子皆降於金○南宋高宗徽宗子鄱杭州無子傳太祖八世孫孝宗孝子光宗孫寧宗無子傳太祖十一世孫理宗理子度宗度子恭帝端宗弟昺凡九世而亡於元兩宋十八世三百二十年○北方之國前乎宋者有遼太祖耶律氏名阿深機傳太宗世宗穆宗景宗聖宗興宗道宗天祚滅於金德宗自立號西遼傳仁宗末主凡十二世百七十餘年滅于乃蠻○後遼而主有金姓完顏氏太祖名旻滅遼而都於燕傳太宗熙宗廢帝世宗章宗衛王宣宗哀宗末主凡十世一百二十年滅於元○元太祖姓奇渥溫氏名鐵木真與自蒙古傳太宗滅金都於燕太宗子定宗太祖孫憲宗憲弟世祖滅宋而南北混一傳孫成宗成姪武宗仁宗仁子英

宗成姪泰定武子明宗文宗明子寧宗順帝凡十四世百六十五年而滅於明

十七史全在茲

十七史當時正史之數也一曰史記三皇五帝三王秦楚以至漢武帝之史漢司馬遷著二曰前漢書漢班固著三曰後漢書劉宋范蔚宗著四曰三國志晉陳壽著五曰晉書唐太宗著六曰宋書梁沈約著七曰齊書梁蕭子顯著八曰梁書九曰陳書俱唐姚思廉著十曰北魏書北齊魏收著十一北齊書唐李百藥著十二北周書唐令狐德棻著十三隋書唐魏徵著十四宋齊梁陳南史十五魏齊周隋北史俱唐李

延壽著十六唐書宋宋祁歐陽修著十七
五代史歐陽修著作者言十七史之大畧
全在于茲也繼此又有宋史遼史金史俱
元脫脫歐陽元揭傒斯著又有元史乃明
宋濂等著共稱二十一史

載治亂

知興衰

史者經國之大典所載者朝廷治亂之由
國祚興衰之理得其道則治失其道則亂
千古如一轍也

讀史者

考實錄

通古今

若親目

言凡讀史須要細心考較君臣紀傳之實
錄與稗官小說真偽不同賢奸治亂彰明
較著通達古今如親眼所見則微辭與
義可得而明彼短此長可得而評也

口而誦

心而惟

朝於斯

夕於斯

此以下通言讀書之法。惟思也。凡讀經史。子集諸書。要心口相應。口誦而心不惟。則扞格而不入。心惟而口不誦。則神志不專。朝或於斯。而夕或不。然則所學有時而廢。所得有時而止。非時習之道也。

昔仲尼

師項橐

古聖賢

尚勤學

此以下雜引古人。以勸勉小子之讀書勤學也。仲尼。孔子之字。孔子之母。禱於尼山。而生孔子。故孔子字仲尼。項橐。魯之聖童。

也。七歲而為孔子師。言聖人生知。尚且辛勤好學。師倣賢聖之童。以自勵。况乎今之小子。可不勉歟。

趙中令

讀魚目論

彼既仕

與子且勤

此言既貴而好學也。宋趙普。相太祖太宗。為中書令。故曰中令。普曰。吾以半部論語。相太祖。以半部相今皇。凡世治民安。皆讀論語之功也。彼既仕。且貴為宰相矣。而勤學好讀。尚且如此。况未仕之小生。可不勉。

數

披蒲編

削竹簡

彼無書

且知勉

此言無書而好學也。漢以先非世家無書。非鈔錄傳寫則無書。又無紙非絹帛皮幣。簡冊不能鈔錄。貧而無資者不能得書。漢有路溫舒。牧羊於大澤。取蒲草編織成席。借尚書鈔錄而讀之。公孫弘年五十矣。為人牧豕於寒竹林中。乃以刀削去竹青。借取春秋鈔錄而讀之。二子由是名顯當時。

貴為卿相。夫二子貧賤而好學如此。今之讀書者。易求易辦。輕便精良。如此而不好學。豈非自誤乎。

頭懸梁

錐刺股

彼不教

自勤苦

此言苦讀之勤也。晉有孫敬。讀書夜深。常恐耽倦。乃以頭髻懸於梁上。以妨困睡。蘇秦不遇而歸。為骨肉所賤。乃勵志讀書。每值懶惰昏倦之時。將利錐刺其股。以自警。

夫二子之刻苦自勵如此。固無父兄之教。威嚴課督之也。爾輩小生。享安居溫飽之樂。又有賢父兄以教率之。安得不思勉勵以自奮哉。

如囊裏螢

如映雪

家雖貧

學不輟

此言貧不廢學也。晉車允好學。家貧夜讀無油。乃取螢火囊之。而藉其光以照讀書。孫康寒夜讀書無油。乃出庭前。映雪光而讀。夫二子不以貧而廢學。終成大名。况爾輩有父兄資給。可不勉歟。

如負薪

如挂角

身雖勞

猶苦卓

此言身勞而好學也。漢朱買臣貧而採樵。不廢讀書。方砍柴時。置書於林下。而讀。負薪而歸。懸書於擔頭。誦而步行。後任武帝。為會稽守。隋李密好學。乘牛而讀。漢書。將餘本挂兩角之上。楊越公見而奇之。後襲爵為蒲山公。二子身既勤勞。而猶勞苦。堅卓如此。况爾輩飽食終日。無所事事者乎。

蘇老泉

二十七

始發憤

讀書籍

此言年長而好學者也。老泉名洵，字明允，宋眉山人。蘇東坡之父也。老泉幼而失學，至二十七歲始悟其非，發憤攻書，以成大名。兩子皆大儒，世號三蘇。

彼既老

猶悔遲

爾小生

宜早思

二十七歲雖不為老，以人生八歲當入小學，十五當入大學計之，則已老矣。夫老泉年既長，有空家之累，又初不好學，而一旦悔向學之遲，發憤以成大名如此。至爾輩小生，當未老之時，宜早思上進，黽勉以成功，莫待老而後悔之無及。又安能如老泉天資之高也乎。

若梁灝

八十二

對大廷

魁多士

此言好學之心。至老而彌篤也。十廷。天子之廷。魁多士。狀元也。宋之梁灝。苦學。一生未遇。及乎年八十有二矣。尚能奮發。有為。對策大廷。而為多士之首。

彼既成

衆稱異

爾小生

宜立志

彼指梁灝也。言灝年高而才雄力健。又能成此大名。真古今之獨異者也。爾輩讀書。宜以此為法。不以未遇而自荒。不以不遇而自廢。一心向學。至老而不倦。以灝自期。無怠其志可也。

瑩八歲

能咏詩

此言幼而早成也。北齊祖瑩。年八歲。即能咏詩成章。後為著作郎。

泌七歲

能賦碁

唐李泌。年始七歲。姑子員半千。九歲。舉神

童。明皇問曰。外庭尚有如卿者乎。對曰。舅子李泌七歲。才勝於臣。帝令入見。時帝方與張說奕棋。帝問曰。小子能賦乎。對曰。能。帝命賦。方圓動靜。泌請問其旨。張說曰。方若棋盤。圓若棋子。動若棋生。靜若棋死。泌對曰。方若行義。圓若運智。動若騁材。靜若得意。帝大奇之。賜以紫衣。後歷相位。為社稷臣。

彼穎悟

人稱奇

爾幼學

當效之

言祖李二人。童年穎悟。才能動主。早取卿相。人稱奇異如此。爾幼學之人。當以為法而效之可也。

蔡文姬

能辨琴

謝道韞

能咏吟

言古不獨男子好學。雖女子亦有聰明才智。過人者。蔡伯喈女。名琰。字文姬。父方操。琴。遇猫捕鼠。文姬知其琴聲。帶殺董卓。操政。邕有憂時之心。方操琴。而文姬傷其父。琴聲。焦殺。危難將至。父因卓之誅。得罪而

先流文姬於胡地。文姬作胡笳十八拍之曲。流入中國。幽怨哀傷。曹孟德聞之。以千金贖回。而配士人董祀。謝道韞。晉宰相謝安之兄女。幼能咏詩。庭中大雪。安問諸子。姪云。大雪紛紛何所似。姪琰對曰。撒鹽空中差可擬。道韞對曰。未若柳絮因風起。安大奇之。後嫁王右軍。子凝之。夫死。以節著。

彼女子

且聰敏

爾男子

當自警

言文姬道韞。不過女子耳。且能聰明敏捷。審音如此。其精明應對如此。其穎異。况爾輩皆男子也。豈可不如女子。而自頹其志乎。當以此自警。而自惕可也。

唐劉晏

方七歲

舉神童

作正字

此又引神童之事。以明穎悟之才。唐有劉晏。年方七歲。值明皇幸華清宮。晏攔駕上書。帝大奇之。謂之神童。授翰林正字。一日詔見。楊妃愛之。命坐於膝上。親為結髮。帝

問之曰。卿為正字。正得幾字。晏俯伏對曰。諸字皆正。惟有朋字不正。蓋朋字似兩月字。而體不正。且以諷當時。讒臣用事。寵幸多門。朋比而為奸也。明皇太異之。後歷仕明肅代德。官至戶部尚書。平章事。晏不惟聰穎。而崇正黜邪之心。已見於此矣。○縮音挽。音出。

彼雖幼 身已仕

爾幼學 勉而致

言晏雖七歲幼童。然已身入仕林矣。爾等幼學。當勉力以效之。可矣。

有為者 亦若是

人但不能奮發有為耳。彼劉晏亦人也。效之何難。

犬守夜 雞司晨

苟不學 曷為人

爾曷不下觀於物類以自警乎。犬與雞皆畜也。犬則有守夜之能。使人不敢犯。雞則有司晨報曉之能。使人知早起。夫雞犬之微。尚有可取之處。況人為萬物之靈。豈可晏然自安乎。自古大聖大賢。皆由學而後成。人苟不學。則終歸下流。反不及雞犬之可取。則亦何以為人哉。

蠶吐絲

蜂釀蜜

人不學

不如物

又不觀之於蜂與蠶乎。彼蠶蜂至微之物也。無求於人。為人所畜。蠶則有吐絲結繭以成幣帛之功。蜂則有採花釀蜜以資服食之用。為物也小。成功也大。汝等堂堂男子。倘如不學而荒其業。是昆蟲之不如也。

幼而學

壯而行

人之生也。非徒事於誦讀而已。幼而學聖賢之言。將以壯而行。聖賢之行也。若徒學而不行其行。又何取於學也。

上致君

下澤民

壯行云何。士君子得志而行其道也。上以致其君。為堯舜之君。下以澤其民。如堯舜之民。所謂窮則獨善其身。達則兼善天下。

揚名聲

顯父母

光於前

裕於後

學為大儒。聲名達於四方。仕為名臣。褒寵加於父母。或全忠盡孝。百世流芳。或正直公廉。一時頌德。俱揚名顯親之事也。人能以道德。勲猷。揚顯於世。則盛德大業。光耀於祖宗。積慶鍾祥。垂裕於後世。豈非讀書

之大效哉。

人遺子

金滿篋

我教子

惟一經

此總結上文。言凡人遺留與子孫者。但重金銀。我則惟以一經教子。使學為聖賢而已。語云。黃金滿篋。不如教子一經。是也。

勤有功

戲無益

戒之哉

宜勉力

此總戒後學之辭。言凡人殷勤向學。則有日進之功。若怠惰嬉戲。則無益而有損也。爾輩宜戒之。戒之不可不勉。力勵志於學。以成大儒也。

入

尚志堂藏書

